

Svar

ferðamála-, iðnaðar- og nýsköpunarráðherra við fyrirspurn frá Albertínu Friðbjörgu Elíasdóttur um aðgerðaáætlun byggðaáætlunar.

Fyrirspurnin hljóðar svo:

1. *Hefur ráðuneytið skilgreint hvaða störf sé hægt að vinna utan ráðuneytisins í samræmi við aðgerðaáætlun byggðaáætlunar? Ef já, hver eru þau störf?*
2. *Hve mörg störf er nú þegar búið að ráða í utan höfuðborgarsvæðisins í samræmi við aðgerðaáætlun byggðaáætlunar?*
3. *Hefur ráðuneytið mótað sér áætlun til að uppfylla kröfu byggðaáætlunar um að 5% auglýstra starfa skuli vera án staðsetningar fyrir árslok 2021 og 10% fyrir árslok 2024?*

Í samræmi við aðgerðaáætlun byggðaáætlunar tekur ráðuneytið þátt í vinnu við að skilgreina störf sem hægt er að sinna án sérstakrar staðsetningar með það að markmiði að búseta hafi ekki áhrif við val á starfsfólki. Vinnan er leidd af verkefnahópi með fulltrúum allra ráðuneyta um sameiginlega framkvæmd verkefnisins en framkvæmd þess er á ábyrgð fulltrúa forsætisráðuneytis, fjármála- og efnahagsráðuneytis og samgöngu- og sveitarstjórnarráðuneytis. Þessari vinnu er ekki lokið. Aðalskrifstofa ráðuneytisins hefur ekki ráðið í störf utan höfuðborgarsvæðisins. Ráðuneytið vinnur að áætlun um að fjölga störfum á vegum aðalskrifstofu þess á landsbyggðinni.